

**Nuummi inissisimasussamik Nunatta inuiattut timersornikkut
unammersuarterfissaannik pilersaarutip FIFA-p piunasaqaataanut naapertuuttumut
aningaasalersorneqarnissaannut periarfissanik misissuisussamik suleqatigiissitamik
pilersitseqqullugit Naalakkersuisut peqquneqarnissaannik Inatsisartut
aalajangiiffigisassaattut siunnersuut
(Inatsisartunut ilaasortaq Anders Olsen, Siumut)**

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Jens Immanuelson, Siumut, siulittaasoq
Inatsisartunut ilaasortaq Randi V. Evaldsen, Demokraatit, siulittaasup tullia
Inatsisartunut ilaasortaq Peter Olsen, Inuit Ataqtigiit
Inatsisartunut ilaasortaq Bendt Kristiansen, Inuit Ataqtigiit
Inatsisartunut ilaasortaq Martha Lund Olsen, Siumut
Inatsisartunut ilaasortaq Ineqi Kielsen, Siumut
Inatsisartunut ilaasortaq Kelly Berthelsen, Inuit Ataqtigiit

Ulloq 15. maj 2017-imi siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Nuummi inissisimasussamik Nunatta inuiattut timersornikkut unammersuarterfissaannik pilersaarutip FIFA-p piunasaqaataanut naapertuuttumut aningaasalersorneqarnissaannut periarfissanik misissuisussamik suleqatigiissitamik pilersitseqqullugit Naalakkersuisut Inatsisartunit peqquneqarnissaat siunnersuuteqartup siunnersuuteqarnermigut kissaatigaa.

”Nunatta timersortarfiata suliniutiginnissaanut pilersaarut” Inatsisartunut ilaasortanut agguassassatut Naalakkersuisunit ulloq 15. november 2016-imi nassiuunneqartoq siunnersuuteqartup innersuussutigaa. Suliniummut pilersaarut siunnersuuteqartup aalajangiiffigisassatut siunnersuutaata UPA 2015/22-p akuerineqarnera tunngavigalugu suliarineqarpoq. Aningaasaqarneq pissutsillu allat nunatta timersortarfianik sananermut ingerlatsinermullu attuumassuteqartut suliniummut pilersaarummi ilaatinneqassapput.

2. Siunnersuutip Inatsisartunit siullermeerneqarnera

Siunnersuut siullermeerneqarnermini nalinginnaasumik taperserpeqarpoq aammalu Aningaasaqarnermut Akileraartarnermullu Ataatsimiititaliamut suliarineqartussanngorlugu innersuunneqarluni. Taamaalillunilu taama iluseqarluni siunnersuutip akuerineqarnissaa aammalu aappassaaneerinninissaq sioqqullugu ataatsimiititaliamut innersuunneqarnissaa inassutigineqarpoq.

3. Ataatsimiititaliap siunnersuummik suliarinninnera

Siunnersuutip Inatsisartunit taamatullu Naalakkersuisunit tapersorluarneqarnera Aningaasaqarnermut Akileraartarnermullu Ataatsimiititaliamit maluginiarneqarpoq. Taamaalilluni siunnersuut akuerineqassappat suleqatigiissitamut, taasissutissaq malillugu suliniummut aningaasaliinissamut periarfissanik misissuisussamut, suliakkiummik Naalakkersuisut suliaqasasat ataatsimiititaliamit maluginiarneqarpoq. Ilaatigut aningaasaqarnermut, katitigaaneranut suliassaanullu piumasaqaatinik suliakkiut imaqaassasoq Naalakkersuisut akissuteqaamminni paasissutissiissutigaat. Suliassap tamatuma siunnersortinut avataaneersunut suliassanngortinnera aningaasatigut kingunerisassat amerlanerulerannik nassataqarsinnaanerarlugu siunnersuuteqartup oqarnera ataatsimiititaliamit ilalernerqarpoq. Suleqatigiissitaq sanaartugassat anginerusut sanaartornissaanni ingerlatsivigineqarnissaannilu aningaasalersuisarnermik ilisimasaqartunik inuttaqartinneqassasoq ataatsimiititaliamit neriutiginerqarpoq. Naalakkersuisutulli ataatsimiititaliamit maluginiarneqarpoq akunnittarfik ilanngunnagu sanaartornermi aningaasartuutissat 303,87 mio. kr.-inut aammalu akunnittarfik ilanngullugu 453,76 mio. kr.-inut nalilernerqartut. Sanaartugassaq taamaattoq Namminersorlutik Oqartussat kisimik aningaasalersorsinnaanngikkaat Naalakkersuisut paasissutissiissutigaat. Taamaattumillu avataanit aningaasalersuisussarsiorinissaq pisariaqassasoq ataatsimiititaliamit maluginiarneqarpoq. Taamatut periuseqarnermi avataanit aningaasaliisut iluanaaruteqarnissamik piumasaqaateqarnissaat ilanngullugu isiginiarneqartariaqassaaq. Apeqqut alla tassaavoq ingerlatsinerneq aningaasartuutissat qanoq aningaasalersorneqartussatut naatsorsuutiginerqarnermut. Akunnittarfik ilanngunnagu ukiumi 60-ini ingerlatsinerneq aningaasartuutissat 162,86 mio. kr.-iusussatut akunnittarfillu ilanngullugu 421,82 mio. kr.-iusussatut naatsorsuutiginerqarput. Taakku ukiumut 2,715 mio. kr.-iullutillu 7,032 mio. kr.-iupput. Sanaartornermi, ingerlatsinerneq aserfallatsaaliinissamilu aningaasartuutissat ilanngullugit aningaasaqarnerata tamarmiusup isiginiarneqarnissaa pingaarteqartutut ataatsimiititaliamit isigineqarpoq. Taamaattumillu ukiumoortumik ingerlatsinerneq aserfallatsaaliinermullu aningaasartuutitut matussutaasinnaasunik kiisalu sanaartornerneq aningaasartuutit aningaasalersorneqarneranut peqataaqataasussanik ukiumoortumik ingerlatsinerneq isertitaqarnissaq pisariaqassaaq. Tassunga atatillugu suliniummi taamaattumi Kommuneqarfik Sermersuup qanoq akutinneqarsinnaanerata suleqatigiissitaliamut pilersinneqartussamut ilanngullugu suliassanngortinneqarnissaa soqutiginaateqassaaq.

Kiisalu missingersuutit pillugit inatsimmi nutaami aalajangersagaq una ataatsimiititaliamit eqqumaffigeqquneqassaaq.

“§ 6. Naalakkersuisut inissialiornissamut, inuussutissarsiutitigut attaveqaatitigulluunniit pilersaarutinut aningaasaliissuteqarnissamut taamaallaat taarsigassarsinnaap-

put imaluunniit taarsigassarsinissamut akuersissuteqarsinnaapput, taarsigassarsiat erniaat akilersorneqarnerallu atuisut akiliutaannit, pisortat aningaasartuutaasa ikili-sinneqarnerannit imaluunniit pisortat isertitaqarnerunerannit minnerpaamik aningaasalersorneqassappata.”

4. Siunnersuutip aningaasaqarnikkut kingunerisassai

Tamanna pillugu Aningaasaqarnermut Akileraartarnermullu Ataatsimiititaliaq allanik oqaasissaqanngilaq.

5. Ataatsimiititaliap inassuteqaataa

Tamanna tunngavigalugu siunnersuut akuerineqassasoq ataatsimiititaliamit isumaqatigiit-tumit inassutigineqarpoq.


Taama oqaaseqarluni isumaliutissiissummilu allassimasutut paasinnilluni ataatsimiititaliap siunnersuut aappassaaniigassanngortippaa.




Jens Immanuelson,
siulittaasoq




Randi V. Evaldsen



Peter Olsen



Bendt B. Kristiansen



Martha Lund Olsen



Ineqi Kielsen



Kelly Berthelsen